

## Ҳадис дарслари (216-дарс) Қазои ҳожат вақтида гаплашмаслик



19:00 / 01.02.2023 3458

نَعُوهُ نَعُهُ لَلَا يَضَرُّ دِيْعَسَ يَبَأُ نَع  
مَلَسَوِ هَيْلَعُهُ لَلَا يَلَصُّ يَبُّ نَلَا  
نَابِرُضَيِ نَالُجُّرَلَا جُرْحَيِ آلَ لَاق  
أَمِهَتَرُوعُ نَعِ نِيَفِشَاكَ طِيَأُغُلَا

لَجَّوْ زَعَه لَلْاِنَّ اِنْفِنَاثْ دَحْتِي  
دُوَادُ وُبَا هَاوْرَ . كَلْذَى لَعُتْ قَمِي

Абу Саъид розияллоҳу анҳудан ривоят қилинади:

«**Набий соллаллоҳу алайҳи васаллам:**

«**Икки киши қазои ҳожатни ирода қилиб чиқиб, авратларини очиб, гаплашавермасин. Чунки Аллоҳ азза ва жалла бундан ғазабга келур», дедилар».**

*Абу Довуд ривоят қилган.*

Бу ҳадиси шарифда хало одобига хилоф нарсалар ҳақида сўз бормоқда. Ҳадиси шарифга биноан, икки киши бир-бирига яқин жойда қазои ҳожат қилмаслиги, авратини очмаслиги ва гаплашмаслиги керак.

Умуман, бировга яқин жойда қазои ҳожат қилиш, авратини очиш ёки қазои ҳожат вақтида гаплашиш ҳеч қайси бандага тўғри келмайдиган иш. Бундай ишни қилиш қанчалик ёмон эканлигини Пайғамбар соллаллоҳу алайҳи васалламнинг «**Чунки Аллоҳ азза ва жалла бундан ғазабга келур**» деган гапларидан ҳам тушуниб олсак бўлади.

لَا قُؤْنَعُ هَلَلَا يَضَرَّ رَمْعُ نُبَانَع  
هَلَلَا يَلَّصَّ يَبْنَلَا يَلَّعُ لُجَّرَ رَم  
مَلَّسَفَ لُؤْبَيَ وَهَوَ مَلَّسَوِ هَيَلَع  
هَيَلَعُ دُرِّي مَلَّفَ هَيَلَع

Ибн Умар розияллоҳу анҳудан ривоят қилинади:

«**Набий соллаллоҳу алайҳи васаллам таҳорат ушатаётганларида бир**

**киши яқинларидан ўтаётиб, салом берган эди, алик олмадилар».**

Аввалги ҳадислардан Пайғамбаримиз соллаллоҳу алайҳи васалламнинг қазои ҳожат учун одам кўрмайдиган жойга боришларини билиб олган эдик. Уларда бавл қилган вақтларида узоққа кетмас эдилар, деган гап йўқ эди. Шундан мазкур салом берган одам йўловчи бўлиб, билмасдан ўтиб қолган кўринади.

Ҳадисдан таҳорат ушатаётган одамга салом бериб бўлмаслиги, таҳорат ушатаётган одам салом берган одамнинг саломига алик олмаслигини билиб оламиз. Бундан олдинги ҳадисда оддий гапни ҳам гапириб бўлмаслиги айтилган эди.

Ушбу ҳадиснинг бошқа ривоятида Расулуллоҳ соллаллоҳу алайҳи васаллам таҳорат ушатиб бўлиб, бориб, таҳорат қилганлар. Сўнгра келиб, салом берган одамга узр айтганлар. «Таҳоратсиз ҳолда Аллоҳ таолонинг исмини зикр қилишни ёқтирмадим», деганлар. Бу эса Пайғамбар соллаллоҳу алайҳи васалламнинг олий ахлоқ эгаси эканликларига ёрқин далилдир. Аслида бундай ҳолатда умуман гапириб бўлмайди.

Уламолар «Фақат ноилож қолганда, ҳалокатга кетаётган кўр одамни огоҳлантиришга ўхшаш ҳолатлардагина қазои ҳожат қилаётган одам гапирса бўлади», деганлар.

***«Ҳадис ва ҳаёт» китоби асосида тайёрланди***